



Javna ustanova Radio-televizija Lukavac
Bosna i Hercegovina
Federacija BiH
Tuzlanski kanton
Grad Lukavac

Broj: 02-181-2/26
Lukavac, 29.07.2026. godine

Na osnovu člana 20 a) stav (1) i (2) Zakona o radu FBiH ("Sl. Novine FBiH", broj: 26/2016, 89/2018, 23/2020- odluka US, 49/2021 -dr. zakon, 103/2021 – dr. zakon, 44/2022 i 39/2024), člana 5. i 6. Pravilnika o organizaciji, sistematizaciji radnih mjesta, poslova i radnih zadataka u JU RTV Lukavac, broj: 01-18/22 od 13.01.2022. godine, 01-38-2/23 februar 2023. godine, 01-151-4/25 od 29.04.2025. godine, 01-325-4/25 od 15.09.2025. godine i 01-433-5/25 od 21.11.2025. godine, člana 4. Uredbe o postupku prijema u radni odnos u javnom sektoru u Tuzlanskom kantonu („Službene novine Tuzlanskog kantona“, broj: 4/19, 4/20, 11/20 i 5/21), člana 4. Pravilnika o postupku prijema u radni odnos u JU Radio-televizija Lukavac, broj: 01-21/22 od 13.1.2022. godine, člana 2. Pravilnika o radu, broj: 01-63-7/25 od 14.02.2025. godine, Odluke poslodavca o potrebi prijema radnika u radni odnos na neodređeno vrijeme u JU Radio-televizija Lukavac, broj: 02-181-1/26 od 29.07.2026. godine, Odluke o davanju saglasnosti Gradonačelnika Grada Lukavca, broj: 02-04-1790/26 od 10.06.2026. godine, JU Radio – televizija raspisuje:

JAVNI OGLAS

za prijem jednog radnika u radni odnos na neodređeno vrijeme u JU Radio-televizija Lukavac

I

Javna ustanova Radio – televizija Lukavac, sa sjedištem u Lukavcu, ulica Titova bb 75300 Lukavac (u daljem tekstu JU RTV Lukavac), vrši prijem jednog radnika, kako slijedi:

1. "Novinar 2" (najmanje IV stepen stručne sprema) na neodređeno vrijeme, 1 izvršilac.

II

Kratak opis poslova:

- Priprema i učestvuje u planiranju, snimanju i montaži vijesti, izvještaja, reportaža, kao i servisnih informacija, anketa i drugih jednostavnijih novinarskih formata, različitih žanrova, za sve medije a pod nadzorom urednika i po standardima RTV Lukavac,
- Priprema priloge i vijesti za televiziju, radio i WEB portal,
- Učestvuje u programima uživo (audio ili video),
- Radi po prioritetu za dnevno informativni program, a po nalogu nadređenog urednika može da bude angažovan i na drugim programskim sadržajima,
- Radi minimalno jednu emisiju sedmično, a po nalogu i uz saglasnost nadređenog urednika,
- Odgovoran je za kvalitet urađenog posla, te poštivanje profesionalnih i zakonskih normi,
- Obavlja i sve ostale poslove koje od njega zahtijevaju glavni i odgovorni urednik i direktor, a u interesu RTV Lukavac,

- Obavezno prisustvuje redakcijskom sastanku i daje svoj doprinos u radu,
- Radi u smjenama u skladu sa rasporednom radnog vremena,
- Radi i druge poslove po nalogu direktora i glavnog i odgovornog urednika,
- Za svoj rad odgovara direktoru i glavnom i odgovornom uredniku.

III

OPĆI USLOVI

Kandidati moraju ispunjavati slijedeće opće uslove:

1. da je državljanin BiH,
2. da je stariji od 18 godina,
3. da ima univerzitetsku diplomu ili druge obrazovne ili akademske kvalifikacije ili drugi odgovarajući stepen stručne spreme koji dokazuje diplomom,
4. da je zdravstveno sposoban za obavljanje poslova predviđenih za to radno mjesto,
5. da nije obuhvaćen odredbama člana 9 Ustava BiH,
6. da se protiv njega ne vodi krivični postupak.

POSEBNI USLOVI

Kandidati moraju ispunjavati slijedeće posebne uslove:

- da ima najmanje srednju stručnu spremu, odnosno najmanje IV stepen stručne spreme,
- da ima najmanje jednu (1.) godinu radnog iskustva.

IV

POTREBNA DOKUMENTACIJA

Prilikom prijave na Javni oglas, kandidati su obavezni uredno popuniti i potpisati Prijavni obrazac koji mogu pronaći na web stranici JU RTV Lukavac (www.rtvlukavac.ba) ili ga preuzeti na protokolu JU RTV Lukavac, uz kraću biografiju i kontakt podatke i uz to dostaviti slijedeću dokumentaciju (original ili ovjerene fotokopije) kao dokaz o ispunjavanju općih i posebnih uslova:

- Uvjerenje o državljanstvu (ne starije od šest mjeseci),
- Izvod iz matične knjige rođenih,
- Diploma o završenom odgovarajućem stepenu stručne spreme,
- Uvjerenje o potrebnom radnom iskustvu i
- Ovjerenu izjavu kandidata na okolnosti iz člana III (Opći uslovi) alineja 5.

Samo izabrani kandidat će biti u obavezi da u određenom roku dostavi i:

- Ljekarsko uvjerenje, kao dokaz da njegovo zdravstveno stanje i psihofizičke sposobnosti odgovaraju uvjetima radnog mjesta za koje se raspisuje Javni oglas i
- Uvjerenje o nevođenju krivičnog postupka.

V

UREDNA, POTPUNA I BLAGOVREMENA PRIJAVA

Urednom prijavom na Javni oglas smatra se uredno popunjen PRIJAVNI OBRAZAC. Svi dokumenti koji se prilažu uz prijavu moraju biti u originalu ili ovjerenim fotokopijama. Potpunom prijavom smatra se prijava uz koju su priloženi svi dokazi o ispunjavanju općih i posebnih uslova koji su naznačeni u Javnom oglasu, dok se blagovremenom prijavom smatra prijava koja je podnesena u roku koji je određen u Javnom oglasu. Nepotpune, neuredne i neblagovremene prijave se neće razmatrati.

VI

PROCES IZBORA KANDIDATA

Direktor će imenovati Komisiju za izbor kandidata po Javnom oglasu koja će izvršiti selekciju prijave na Javni oglas, te samo kandidati čije su prijave uredne, potpune i blagovremene će steći pravo da pristupe usmenom ispitu/intervju, o čijem terminu održavanja će kandidati biti blagovremeno obavješteni.

VII

PREDNOST PRI IZBORU KANDIDATA

Prilikom izbora kandidata prednost imaju kandidati koji to pravo prioriteta ostvaruju prema posebnom zakonu, a to dokazuju odgovarajućim dokumentima (potvrda, uvjerenje i sl.) koje prilažu prilikom prijave na Javni oglas, pozivajući se na poseban zakon po kojem imaju prednost. Prednost pri zapošljavanju branioca i članova njihove porodice, vrednovat će se sljedećim redoslijedom:

1. član porodice šehida, poginulog, umrlog i nestalog borca,
2. ratni vojni invalid,
3. dobitnik ratnog priznanja i odlikovanja,
4. demobilisani borac i
5. članovi porodice ratnog vojnog invalida, dobitnika ratnog priznanja i odlikovanja i demobilisanog borca.

Lice koje dokazuje svoju pripadnost prema prednje navedenim kategorijama ima prednost pri zapošljavanju ukoliko u odnosu na druge kandidate ima jednak broj osvojenih bodova na usmenom ispitu/intervju.

VIII

ROK ZA PODNOŠENJE PRIJAVA

Javni oglas će biti objavljen najmanje u jednom dnevnom listu, kao i na web stranici poslodavca. Javni oglas će se dostaviti i Javnoj ustanovi za zapošljavanje Tuzlanskog kantona, odnosno u mjesni ured Službe za zapošljavanje Tuzlanskog kantona, najkasnije na dan njegove objave.

Rok za podnošenje prijave na Javni oglas je osam (8) dana od dana njegove posljednje objave.


Popunjene prijavne obrasce, zajedno sa traženim dokumentima, kandidati dostavljaju u zatvorenoj koverti lično na protokol JU RTV Lukavac ili putem pošte (preporučeno) na adresu: **Javna ustanova Radio - televizija Lukavac, Titova bb 75300 Lukavac, sa naznakom: "Prijava na Javni oglas za prijem jednog radnika u radni odnos na neodređeno vrijeme u JU Radio – televizija Lukavac - NE OTVARAJ!"**.

JU RTV Lukavac nema obavezu vraćanja dokumentacije kandidatima.

Izabrani kandidat će stupiti na rad nakon 22.09.2026. godine, a tačan datum početka rada utvrdit će se Ugovorom o radu.



JU RTV LUKAVAC


Vanja Osmanović, direktor